

**Naalakkersuisut UKA2017-mut eqqumiitsuliortut suliaminnik pilersitsilertuinissaanut aningaasanik inatsimmit tunniunneqartartut pillugit aningaasaateqarfimmik pineqartunik agguaassisussatut inissinneqartussatut atugassiamik aningaasaateqarfiliornissaq anguniarlugu periarfissaasinnaasunik misissuinissamut Naalakkersuisut UKA2017mut peqquneqarnissaanik Inatsisartunut aalajangiiffigisassatut siunnersuut. Misissuininermi ilanngullugu misissorneqassaaq eqqumiitsuliornermut isumalioqatigiissitamik pilersitsinissaq qulaani taaneqartunik aningaasaliissutinik agguaassinissanik ingerlatsiviusussamik piviusunnagortinneqarnissaa.**

(Inatsisartunut ilaasorta, Peter Olsen, Inuit Ataqatigiit)

### **Akissuteqaat**

(Ilinniartitaanermit, Kultureqarnermit, Ilisimatusarnermit Ilageeqarnermullu Naalakkersuisoq)

### **Aappassaaneerinninneq**

Naalakkersuisut sinnerlugit Kultureqarnermit, Ilinniartitaanermit, Ilisimatusarnermit Ilageeqarnermullu Ataatsimiititaliaq qutsavigissavara isumaliutissiissutaat pillugu.

Ataatsimiititaliap isumaliutissiissummini Naalakkersuisunut kaammattuutit saqqummiussimavaa misissuinermi pissutsit tulliuttuniittut ilanngunneqassasut, aalajangiiffigisassatut siunnersuut akuersissutigineqassappat:

”- Eqqumiitsuliornermut kulturimullu aningaasat eqqarsaatigalugit agguaasseriaatsip Kalaallit Nunaanni Timersoqatigiit Kattuffiannit atorneqartup assingata atorneqarsinnaaneranut periarfissat misissorneqarnissaat

- Suliassa qarfimmu aningaasaliussat tamarmiusut aningaasaateqarfimmu ataatsimut katersorneqarneranni aningaasaqarnikkut naatsorsuuserisarnikkullu pitsaaqutit pitsaanngequtillu nassuiarneqarnissaat

- Aningaasanik agguaassisarnermi suliamik ilisimasallit eqqumiitsuliortullu akuutinneqarnerunissaannut periarfissat misissorneqarnissaat

- Eqqumiitsuliornermut siunnersuisoqatigiinni/eqqumiitsuliornermut aningaasaateqarfimmi peqataanissamut suliamut attuumassuteqarpallaarnermik ajornartorsiutaasinnaasut eqqumiitsuliortullu peqataanissamut periarfissaasa misissorneqarnissaat.”

Naalakkersuisut maluginiarpaat ataatsimiititaliaq isumaqatigiittoq inassuteqarmat isumaliutissiissummi oqaaseqaataasut akuersissutigineqarnissaannik.

Naalackersuisut siullermeerinermut immikkoortup matuma suliarineqarneranut akissuteqaammi suliat aallartinneqareersut saniatigut ataatsimiititaliap pissutsit nalunaarsugai ilanngunneqariinngitsut ilanngutissavaat.

Taamatut oqaaseqarluta Naalackersuisut siunnersuutip akuersissutigineqarnissaa inassutigissavaat.